

Seizdoeng byonghhwnz, mbwn dinghsdswd, gyoetsadsad.

Meh Dughmeiz ngamq hwnq mbonq, sawqmwh dingqi singheuh: “Meh, meh, hai dou……w……”, “a……”, lij cienz daeuj sing daej lwnyez dem.

Dingqnyi singyaem, meh Dughmeiz rox dwg dahlwg caeuq daeglan, de sikhaek roengz mbonq byaij daengz gyanranz, yawj aencung venj youq gwnz ciengz, gaenq cib diemj ngeihcib faen lo.

Seizneix baenzneix laep, baenzneix gyoet, dahlwg caeuq daeglan vihmaz ma ranz? Meh Dughmeiz naemj dwk, nyinhdaengz gijmaz saeh lo, neix gaenq mbouj dwg baez ndeu song baez lo, de ndatheiq dwk daeb din doemdoem, doq hai dou doq ndaq, dawz cojcoeng cibbet daih daeggvan Dughmeiz cungj ndaq liux bae.

Dughmeiz soengj danci haeuj dou, song da ndingfoeg, daej dwk saekwk bae, baez raen daxmeh engqgya siliengz dwk gangj mbouj ok vah bae.

Meh Dughmeiz umj daeglan laeng danci roengzdaeuj. Daeglan bineix seiq bi, de ndang saenzdidi, mbouj rox dwg nit roxaeuz dwg lau. Raen daengz neix, meh Dughmeiz ndaw sim lumj deng mid gvej nei, in raixcaix, nyaenx mbouj ndaej youh ndaq daeggvan Dughmeiz ciengz he, de ndaq ndaej myaiz sinzdidi, ndaq ndaej naj nding rwz dit, ndaq naiq lo, de maenj naeuz: “Danghnaeuz ndaek daigaj neix daeuj heuh mwngz, gou mbouj heuh de guh duzfw ruenz ok dou, gou duet vaq bae youz gai.”

Daxboh youq henz ciep naeuz: “Duz cukseng neix, yawj gou ngoenzlaeng baenzlawz sousib de!”

“De caiq haeuj ranz daeuj, gou dik ga de raek bae!” Daeggo hix daeujdaengz lo, hozndat dwk naeuz.

sawcuenh dinj

Dughmeiz Ma Ranzmeh

冬梅回娘家

□ Lingz Siuyangh /凌秀香



Daeggvan Dughmeiz dwg boux guh canghdoz ndeu. Moix ngoenz gai sat nohmou, couh roengz mbanj bae ra mou, fuengbient ngoenzlaeng miz nohmou hwnj haw gai.

Bouxlaux naeuz: Buenq bit buenq gaeq haex dwk ndang, gaj mou gaj yiengz ngaenz dwk daeh. Vihliux lai canh di cienz, gvan Dughmeiz mbouj miz seizlawz hoengq gvaq, hongreih hongnaz cungj dwg Dughmeiz ganq, bouxgaenx mbouj fouqmiz hix gwn imq, ranz de saedceij lij gvaq ndaej mbouj loek.

Ngoenzneix Dughmeiz bae haw, swnhloh bae aen dangainoh gvan de yawjyawj, gvan de mbouj youq, gwnz dan lij baij miz dungxsaej, noh biz

caeuq nohvaenzhoz.

Dughmeiz cam boux henz dan: “Gvan gou bae gizlawz, mwngz rox lwi?”

Boux henz dan naeuz: “De caeux couh okbae lo, lw di noh neix hawj gou bang gai.”

Dughmeiz yawj soujbiuj, gaenq dwg sam diemj cib faen. De fwt ndatheiq hwnjdaeuj, sousib gij noh lw haenx dauqbae.

“Duzma gaij mbouj ndaej gwn haex! Duz daigaj neix, noh gai caengz sat couh ndonj haeuj gizlawz bae guhdoj? Mwngz ndonj lajnamh bae, gou hix rag mwngz okdaeuj!” Dughmeiz doq byaij doq ndaq.

Gai iq gai hung, gungxgungx

gemhgemh, Dughmeiz cungj ra doh liux, hoeng, lienz duzngaeuz gvan de cungj mbouj raen, de daiq aenndang naiqnuek ma ranz……

Song bi gaxgonq, daeggvan Dughmeiz youq ranz guh hong reihnaz, seizhoengq de yinxhwnj guhdoj, naeuz bae ndaq dauq cungj mbouj gaij dem. Miz ngoenz ndeu, Dughmeiz hemq naeuz: “Gij saedceij neix mbouj miz fanhfap gvaq lo, bae lizvwnh ba!”

Couhdwg vih gienh saeh neix, Dughmeiz baez daih’it aemq lwg ma ranzmeh.

Ngoenz daihsam, daeggvan Dughmeiz daeuj daengz ranzdaiq ciep Dughmeiz, meh Dughmeiz vid gen vid ga ndaq, dawz cojcoeng gvan Dughmeiz ndaq liux bae, daxboh yaengx hwnj gaiq sauqbaet, lumj gyaep mou ok suenbyaek nei, dawz gvan Dughmeiz gyaep ok dou bae; daeggo Dughmeiz gaemdawz aekbuh de, haeb heuj naeuz: “Mwngz gamj hangz dahnuengx gou? Lau mwngz gwn mbei duzguk loba? Deuz ok ranz gou!”

Doiq ndaek sai yienghneix, mwngz ndaq daengz sailhoz goenz bae hix dangq roet dwk haw, doeklaeng heuh de youq dangqnaj daihgya sij saw mieng gvaq, saehcingz cij caem roengzdaeuj.

Song bi gvaqbae, gvan Dughmeiz gangj daengz guh daengz, mbouj caiq guhdoj lo.

Mbwn laep yaep he, gvan Dughmeiz ma ranz lo. Daeggvan baez haeuj dou, Dughmeiz couh ndaq naeuz: “Ced meh mwngz, noh caengz gai sat, couh ndonj gyawz bae guhdoj lo? Duz lwn dai mwngz caen dwg ma gaij mbouj ndaej gwn haex.”

Daeggvan maegsaeg yawj Dughmeiz, cam: “Byawz gangj gou bae guhdoj?”

(caengz sat)

Veiz Gozcingh cam: “Raeuz gag ce ceh roengzdaeuj mbouj miz saeh ba?”

Dingh Saulanz han: “Daj gij sizcenj Yungzyen daeuj yawj, gag ce ceh mbouj baenzlawz, hoeng gij naz ganq ceh haenx doiceiz ndaemnaz ne couh yingyangj deng canjlieng haeuxcaeux. Banhfap Gyanghsih dwg, gaen ceh gai maenzngaenz ndeu, linghvaih ciuq baizgyaq ciengj gai 5 gaen haeux, 5 gaen vafeiz. Yienghneix, swnghcanjdui cix haengjheiq guh naz ce ceh lo.”

Song boux goengdaeuz diveij cungj genyi, Guengjsae hix aeu hag Gyanghsih cij ndaej.

Veiz Gozcingh haenhdoengz, hoeng de naeuz aen vwndiz neix aeu baema caeuq bumwnz caizmou doxyaeng baez ndeu, suenqsuenq ciengq le caiq ndaej dingh. Gvaqlaeng, bumwnz caizmou ginggvaq ngeixyaeng le, daj saehsaed Guengjsae okdin, roengzfai le gij vwnzgen ciengj gai gvendaengz soucawx ceh gofoed haenx.

Veiz Gozcingh youhwmz dwk

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

naeuz: “Yienghneix Yungzyen ndaej fat daihcaiz lo. Sou ndaej fatcaiz, hoeng gaej guh deihcawj bw.”

Veiz Gozcingh daj gij canloz daengxbuenz Guengjsae bae naemj, gipseiz gaijgez le song aen vwndiz Yungzyen daezok haenx, mboujlwnh dwg doiq Yungzyenz vanzlij dwg doiq daengx gih fazcanj gofoed daeuj gangj, cungj dwg gij gezcwz gig youqgaenj.

Gangj sat gij saeh gofoed le, Cangh Dazmingz daezok, siengj gyoeblwnh gij saeh Yungzyen fazcanj hongsaeh faexndoeng haenx hawj goengdaeuz. Veiz Gozcingh angq

naeuz: “Ndei ha, gou ngamq haeuj dou cix bihbingz gij faexcoengz gwnz ndoi song henz goengloh sou lumj boux goenglax ndeu, yenveij siengj baenzlawz guh hongsaeh neix, gangjgangj vei!”

Cangh Dazmingz naeuz, daegdiemj Yungzyen dwg vunz lai, naz reih noix, goengqbya lai, siengj hawj vunz lai ndaej baenzmiz, doengzseiz youh guh ndaej ok gung’yen hawj guekgya ne, couh aeu yungh ndei bya ndoi. Yenveij miz aen naemjap ndeu, Yungzyen fazcanj nungzyez aeu faex haeux caez gaem, fwngz gaem haeux,

fwngz gaem faex. Seizneix gaenq hainduj boiq boux fuyencangj caeuq fugihcangj cienmonz gaem hong ndoengfaex haenx lo, gyagiengz lingjdauj hongsaeh ndoengfaex. Gij “goenglax” caxcagcag haenx, yaek cugbough gaijmoq. Daengx yienh cujyau ndaem gofaexmbawhung, habdangq ndaem mbangj gofaexmbawcim, yienghneix daeuj daezsang gij gaiqbiz namh caeuq bauj ndei raemx, bouj gij mbouj cuk Yungzyen mbouj miz suiigu hung caeuq dah noix haenx.

(caengz sat)